


SEETEN CTAMCÖ.

Seeten ctam hapah com, tiix hantx cömiiha hac ano cöihitai, taax cmiique áa hapah quij imahit iha. Seeten ctam com, tiix itaqueecöj quij cpeetij iha. Inaail com mos caacoj iha. Cöicaticpan hac miizj spacta ha. Tzatz x, mos inaail quih cococtim iha, seeten ctamcö tacom.



seeten ctam

(CMM inol cöiyaaspoj iha.)

Cocsar com itaaitoj, teecyo ma x, ipacta quih impá xo cmaax hoox cöiha hizac miizj taa ma x, comcaac coi itaaitoj x, mos miizj ta ma x, mos yaticpan iha, seeten ctamcö com.

Ox oo mpacta xo, seeten tacom hant cöhapoyas, taax siipe aha. Ihaapa ha. Catxo ha xo hant cöhapomayas, miizj hapomooctam ta x, smiipe aha. Hapi hoyaat, hax tahii hax maa, Xepe Coosot tintica,

xo xiica quih quiistox quih ihmaa quih hapx iicp iicp mocat, taax tatxo x, Xepe Coosot com án cötoizct x, seeten com tatxo ma x, hant quih it iihom com cöimacoaaxoj. Taax oo cöipacta hac hapi himiipla ha. Taax oo cöipacta hac hapi miizj cöhimooctam xaha hant cöhimayas, taax iti mota ma x, tahac ipacta ha. Seeten ctamcö com hant cöhapoyas ta x, siipe aha. [XMH]

(Pinna rugosa)